

## Lai - Agape Cathiang - God's Love Letter Scriptures

Johan 15:9 Ka Pa nih a ka dawt bantukte in kei zong nih kan dawt ve hna; kan dawtnak hna chungah hin um ko uh.

Isaiah 43:1 Israel, nangmah an sertu Bawipa nih hitihin a ti: "Na thinphang hlah, kan huhphenh lai. Nangmah cu na min in kan auh, keimah ta na si.

Jeremiah 1:5 "Paw chung i kan ser hlanah kan hngalh i na chuah hlanah kan thianter cang; Nangmah cu miphun hna ca i profet ah kan chiah cang," tiah a ti.

Johan 15:16 Nannih nih cun nan ka thim lo, keimah nih kan thim hna i a hmun ding thei kha tampi in va tlai tuah u tiah kan fial hna. Cucaah ka min in nan halmi paoh cu ka Pa nih an pek hna lai.

3 Johan 1:2 Ka dawtmi ka hawi, ngandam tein khua na sak i zeizong vialte na caah rem tein a um nakhnga thla kan campiak § thlarau leiah siarem in khua na sa ti kha ka hngalh.

Isaiah 43:4 Na nunnak khamh awkah miphun pipi zong kha ka hlawt ko hna lai, zeicahtiah nangmah cu ka caah a sungmi na si i upatnak kan pek i kan dawtmi na si.

Jeremiah 31:3 Lamhlat piin an sinah ka rung lang; Israel mi hna, nannih cu kan dawt zungzal hna i Dong loin kan zokhhenh zungzal ko hna.

Hosea 11:8 Zeitindah kan hlawt khawh lai, Efraim? Zeitindah kan thlah khawh lai, Israel? Admah ka rak hrawh bantuk khan kan hrawh lai maw? Zeboiim cung i ka rak tuah bantuk khan na cungah ka tuah lai maw? Ka tuah kho lai lo, ka chungah ka lung cu aa thleng cang i ka ngaihchiatnak cu a alh in a alh cang.

Johan 3:16 Cuticun Pathian nih vawlei hi a dawt hringhran caah a Fapa ngeihchunte kha a pek, cucaah amah a zummi paoh cu an thi lai lo, zungzal nunnak an ngei lai.

Isaiah 49:15,16 Cucaah Bawipa nih a leh hna i, "Nu nih a fa cu a philh kho hnga maw? A chungchuak cu daw loin a um kho hnga maw? Nu nih hin cun a philh hmanh a philh kho hnga, sihmanhseh law kei nih cun kan philh bal hna lai lo. 16 Jerusalem, nangmah cu kan philh kho bal lai lo, na min cu ka zapei cungah kaa òial cang.

Isaiah 41:13 Keimah cu Bawipa nan Pathian ka si i òhawnnak kan pek hna; 'Nan thinphang hlah u, kan bawmh hna lai,' tiah keimah nih ka ti," a ti.

Matthai 28:20 kan fialmi vialte hna hi an zulh nakhnga va cawnpiak hna u. Cun hihi philh hlah u: nan sinah a zungzal in, caan dongh tiangin ka um lai," tiah a ti hna.

Johan 14:1 Khuaruahhar lungrethei in um hlah u. Pathian kha zum u, keimah zong kha ka zum ve u.

Isaiah 41:14 Bawipa nih aa thawh i, "Israel, na hmete ko i na der ngai ko nain na thinphang hlah. Kan bawmh lai. Keimah Israel Pathian thiang hi nangmah an khamhtu cu ka si.

Isaiah 43:2 Ti thuk na tan tikah na sinah ka um lai, harnak na inmi nih an tei lai lo. Mei alh na tan tikah an kangh lai lo, harnak na inmi nih an hliam lai lo.

Salm 23:1-6 David Hla 1 Bawipa cu tuukhal bantukin a ka vengtu a si, ka herhmi vialte kha a ka pek dih. 2 Ramhring lakah a ka bawhter, dinh hmun ti pawngah a ka hruai. 3 Thazang thar kha a ka pek i a rak ka kamh bantukin ahmaanmi lam ah a ka hruai. 4 A thuk bikmi muhnak horkuang chungin kal hmanh ning law, Bawipa, zeihmanh ka òih lai lo, zeicahtiah nangmah nih na ka umpi. Na òhiangòhunh le na tanbo nih ka hna an ka ngamter. 5 Ka ral hna hmaika ah rawl na ka dangh, ka lu ah chiti na ka toih i ka hrai cu a liam in a liam. 6 Na òhatnak le na dawtnak nih ka nun chung vialte an ka umpi lai i na inn cu a zungzal in ka inn a si lai.

Johan 14:27 "Daihnak kan chiahtak hna, keimah daihnak cu kan pek hna. Vawlei nih an pek hna bantukin kan pe hna lo. Lungrethei le vansang au in um hlah u: nan thin zong phang hlah u.

Filipi 4:7 Cun Pathian daihnak, minung hngalhnak a lonhtu nih cun, Khrih Jesuh chungah nan lungthin le nan ruahnak cu him tein a chiah lai.

Phungthlukbia 3:24 Na òhut ah na thin a phang lai lo, na ih tikah na mitkuh a thaw lai.

Salm 4:8 Hnangam tein ka it lai i kaa hngilh fawn lai, Bawipa, nangmah lawnglawng nih him tein na ka umter.

Salm 33:18 Bawipa nih amah a òihmi cu a zohkhenh hna i a fekmi a dawtnak aa bochanmi cu him tein a umter hna.

Rom Cakuat 5:2 Jesuh Khrih nih cun kan zumhnak thawngin Pathian velngeihnak chungah cun a kan luhpi i cu chungah cun atu hi kan um. Cucaaah Pathian sunparnak kan i hrawm ve lai ti kan i ruahchan i kan tha a nuam.

Isaiah 55:12 "Babilon in lunglawm in nan chuak lai; khuapi chungin daihnak he nan chuak lai. Fing le tlang kha lunglawm in hla an sa lai i thingkung kha lunglawm in an au lai.

Johan 16:22 Cu bantuk cun nannih zong nan si lai: atu cu nan ngaih a chia, sihmanhsehlaw kan hmuu òhan hna lai i nan lung cu lunglawmhnak in a khat lai; cu lunglawmhnak cu ahohmanh nih an in chuh khawh lomi hna lunglawmhnak phun a si lai.

Luka 12:9 Sihmanhsehlaw nangmah ta ka si lo tiah zapi hmaiah aa phehmi cu, Pathian vancungmi hna hmaiah Mi Fapa zong nih, ka ta nan si lo, tiah a ti ve hna lai.

Matthai 10:30 Nannih chinchin cu nan lu cung sam hmanh kha a rel dih.

Isaiah 54:10 Fing le tlang hmanh khi an cim hnga i an rawk ko hnga, sihmanhsehlaw kei nih kan dawtnak cu zeitikhmanh ah a dong lai lo. Daihnak kan pek lai, tiah bia kaa kammi cu, a zungzal in ka zulh lai," tiah nangmah an dawtu Bawipa nih a ti.

Matthai 11:28-30 "Rethei le thilrit mi vialte hna, ka sinah ra tuah u, dinhnak kan pek hna lai. 29 Ka seihnam kha i bei u, kei cu nunnem le mitoidor ka si caah ka nawl hi i cawn ve u; cun dinhnak kha nan hmuh lai. 30 Ka seihnam cu a bei a nuam i ka thil cu a zaang," tiah a ti.

Solomon Hla 2:10 Lungkil ka nawl nih ee, "Tho in run rih law sam thlai rem dawhte,

Hosea 2:14,19,20 Sihmanhsehlaw atu cu ngaihmanh, Ka lem òhan lai i ramlak ah cun ka kalpi lai i ka hnemh lai. 19 Maw Israel, nangmah cu ka nupi ah kan lak lai i na cungah dinnak le zumhtlak in ka um lai; dawtnak fek le zaangfahnak dong lomi in kan dawt lai i Bawipa cu na ka hngalh lai. 20 Ka biakam kha ka zulh lai i nangmah cu keimah ta ah kan ser lai i nang zong nih na Bawipa ah na ka ser lai.

Exodus 3:14 Pathian nih cun Moses cu a thawh i, "Keimah cu Keimah ka si ko. Keimah a simi nih khan, keimah cu nan sinah a ka thlah, tiah Israel mi cu na chimh hna lai," a ti.

Hosea 13:4 Sihmanhsehlaw Izipt ram in an chuahpitu hna nan Pathian Bawipa kha ka si. Kha lioah khan cun keimah dah ti lo cu pathian dang zeihmanh nan hngalhmi hna an um lo. Keimah lawnglawng kha nan khamhtu ka rak si ko.

Johan 15:14 Kan fialmi hna nan tuah ahcun nannih cu ka hawile nan si.

Johan 14:6 Jesuh nih, "Keimah hi lam le biatak le nunnak ka si; keimah sinin ti dah lo cun ahohmanh Pa sin an phan kho lo.

Biathlam 3:20 Ngaihmanh! innka ah ka dir i ka kingh. Ahohmanh an si ah, ka aw a thei i innka a ka hunhmi cu, a inn chungah cun ka lut lai i a sinah rawl ka dum lai i amah zong ka sinah a dum ve lai.